

ত্রিপুরা সরকার
তথ্য ও সংস্কৃতি অধিকার

স-৫১৩৭

আগরতলা, ১১ মার্চ, ২০২৪

লাখপতি দিদিদের সাথে প্রধানমন্ত্রীর মতবিনিময়
লাখপতি দিদিদের উদ্যোগী ভূমিকায় আগামীদিনে দেশে মহিলা
স্বশক্তিকরণের এক নতুন অধ্যায় শুরু হবে : প্রধানমন্ত্রী

লাখপতি দিদি ও নমো ড্রোন দিদিদের উদ্যোগী ভূমিকায় আগামীদিনে দেশে মহিলা স্বশক্তিকরণের এক নতুন অধ্যায় শুরু হবে। এই দিদিগণ নিজেদের উন্নয়নমূলক কাজের সফল বাস্তবায়নের মধ্য দিয়ে সেই নতুন অধ্যায়ের সূচনা করবেন। আজ দেশের লাখপতি দিদিদের সাথে মতবিনিময় অনুষ্ঠানে প্রধানমন্ত্রী নরেন্দ্র মোদি একথা বলেন। আগরতলা টাউনহলে আজ প্রধানমন্ত্রীর এই মতবিনিময় অনুষ্ঠানটি সরাসরি সম্পাদন করা হয়। প্রধানমন্ত্রীর এই মতবিনিময় অনুষ্ঠানে উপস্থিত ছিলেন পশ্চিম ত্রিপুরা জেলার বিভিন্ন রাজ্যের পঞ্চায়েত সমিতির চেয়ারম্যানগণ, বিএসির চেয়ারম্যানগণ। উপস্থিত ছিলেন পশ্চিম ত্রিপুরা জেলার জেলাশাসক ডা. বিশাল কুমার, অতিরিক্ত জেলাশাসক প্রশাস্ত বাদল নেগি প্রমুখ। পশ্চিম ত্রিপুরা জেলা প্রশাসন ও ত্রিপুরা গ্রামীণ জীবিকা মিশনের উদ্যোগে এই অনুষ্ঠানের আয়োজন করা হয়। মতবিনিময় অনুষ্ঠানে প্রধানমন্ত্রী নরেন্দ্র মোদি সারা দেশের বিভিন্ন রাজ্যের লাখপতি দিদিদের সাথে মতবিনিময়ের পাশাপাশি পশ্চিম ত্রিপুরার ডুকলি রাজ্যের ব্যাঙ্ক স্বীকৃতি লাখপতি দিদি অনিমা দেবনাথের সাথে মতবিনিময় করেন।

মতবিনিময়ের সময় প্রধানমন্ত্রী লাখপতি দিদি অনিমা দেবনাথের পারিবারিক, সামাজিক অবস্থা ও তিনি যে স্বসহায়ক দলের সাথে যুক্ত সে বিষয়েও খোজখবর নেন। লাখপতি দিদি হওয়ায় প্রধানমন্ত্রী অনিমা দেবনাথকে অভিনন্দন জানান। প্রধানমন্ত্রী তাকে আরও লাখপতি দিদি তৈরি করার কাজে এগিয়ে আসার আহ্বান জানান। ভার্চুয়াল অনুষ্ঠানে প্রধানমন্ত্রী নরেন্দ্র মোদি বলেন, শুধুমাত্র লাখপতি দিদি নয় বর্তমানে দেশে প্রশিক্ষণের মাধ্যমে তৈরি করা হচ্ছে নমো ড্রোন দিদি। এটি হবে দেশের এক ঐতিহাসিক উদ্যোগ। প্রথম পর্যায়ে দেশের ১ হাজার মহিলাকে আধুনিক ড্রোন চালনায় প্রশিক্ষণ দিয়ে ড্রোন দেওয়া হয়েছে। তিনি বলেন, এই ড্রোন দিদিগণও ভবিষ্যতে দেশের গর্ব হয়ে উঠবেন। এই ড্রোন দিদিগণ কৃষিক্ষেত্র ছাড়াও নানা জরুরি পরিয়েবার ক্ষেত্রেও কাজ করবেন। প্রধানমন্ত্রী বলেন, দেশে বর্তমানে ১ কোটির বেশি মহিলা লাখপতি দিদি হয়েছেন। আগামীদিনে দেশে আরও ২ কোটি লাখপতি দিদি তৈরি করার পরিকল্পনা রয়েছে। আগামী ১০ বছরে দেশের ১০ কোটি মহিলাকে স্বসহায়ক দলগুলির সাথে যুক্ত করা হবে। দেশের গ্রামে গ্রামে মহিলা ক্ষমতায়নের এক জোয়ার সৃষ্টি করা হবে। কৃষি, মৎস্য, প্রাণীপালন, ব্যাঙ্ক স্বীকৃতি, শিক্ষা, স্বাস্থ্য ও সংস্কৃতি সর্বক্ষেত্রে ডিজিটাল ভারত গড়তে নারী শক্তিকে কাজে লাগানো হবে।

আগরতলা টাউনহলে আয়োজিত এই অনুষ্ঠানে পশ্চিম ত্রিপুরা জেলার ৯টি রাজ্যের ২ জন করে লাখপতি দিদিকে সংবর্ধনা ও শংসাপত্র দেওয়া হয়। তাছাড়া জেলার বিভিন্ন স্বসহায়ক দলকে রিভলভিং ফান্ড ও কমিউনিটি ইনভেস্টমেন্ট ফান্ড দেওয়া হয়েছে। জেলার মান্দাহী রাজ্যের ৭৮টি স্বসহায়ক দলকে ১ কোটি ৭৫ লক্ষ ৩৫ হাজার টাকার ঋণের চেক তুলে দেওয়া হয়। অতিথিগণ স্বসহায়ক দলের প্রতিনিধিদের হাতে চেকগুলি তুলে দেন।
